

18 April 2012

Cedera ditembak ketika cuba mencuri

KUALA TERENGGANU 17 April - Seorang remaja berusia 18 tahun yang disyaki memecah masuk sebuah rumah di Kampung Palas Marang dekat sini tengah malam semalam cedera di kaki akibat ditembak oleh pemilik rumah.

Tembakan senapang patah itu dilepaskan oleh pemilik rumah itu, seorang kontraktor yang bergegas ke premis yang tidak berpenghuni tersebut setelah dihubungi penduduk kampung.

Remaja yang didapati positif dadah ditahan polis di rumahnya tidak jauh dari tempat kejadian pada pukul 7.30 malam semalam.

Ketua Jabatan Siasatan Jenayah negeri, Asisten Komisioner K. Manoharan memberitahu, hasil pemeriksaan, terdapat tiga butir peluru penabur pada kaki suspek dan dia kini dirawat di Hospital Sultanah Nur Zahirah (HSNZ).

Katanya, remaja berkenaan bersama seorang lagi rakan dipercayai memecah masuk rumah itu pada pukul 12.15 tengah malam.